

十三經

十

三

經

論語注疏卷十一

魏何晏集解

唐陸德明音義

宋邢昺疏

先進第十一

凡二十一章

疏

正義曰。前篇論夫子在鄉黨。聖人之行也。此篇

論弟子賢人之行。聖賢相次。亦其宜也。

子曰先進於禮樂野人也後進於禮樂君子也

疏

孔曰

先進後進謂仕先後輩也。禮樂因世損益。後進與禮樂俱得時之中。斯君子矣。先進有古風。斯野人也。如用之。

則吾從先進。

疏

將移風易俗。歸之淳素。先進猶近古風。

故從之。

義

先進。包云。謂仕也。鄭云。謂學也。輩。必內反。中。丁仲反。近。附近之近。

疏

正義曰。此

章孔子評其弟子之中。仕進先後之輩也。先進於禮樂野人也者。先進。謂先輩仕進之人。準於禮樂。不能因世

損益而有古風。故曰朴野之人也。後進於禮樂君子也。者。後進謂後輩仕進之人也。準於禮樂能因時損益與禮樂俱得時之中。故曰君子之人也。如用之則吾從先進者。言如其用之以爲治則吾從先輩朴野之人。夫子之意將移風易俗歸之淳素。先進猶近古風故從之也。**注**孔曰至人也。正義曰云先進後進謂仕先後輩也者。下章言從我於陳蔡者皆不及門也。謂不及仕進之門。則此謂不從於陳蔡得仕進者也。蓋先進者當襄昭之世。後進者當定哀之世。云禮樂因世損益者爲政篇云殷因於夏禮所損益可知也。周因於殷禮所損益可知也。又周初則禮樂盛周衰則禮樂壞是禮樂因世損益也。云後進與禮樂俱得時之中斯君子矣者言禮樂隨世盛衰後進與時消息皆中當於時故爲君子也。云先進有古風斯野人也者言先輩仕進之人比今則猶向淳素故云斯野人也。

子曰從我於陳蔡者皆不及門也。**注**鄭曰言弟子從我

而厄於陳蔡者皆不及仕進之門而失其所

音義

從才用反

注疏正義曰。此章孔子憫弟子之失所。言弟子從我同。而厄於陳蔡者。皆不及仕進之門而失其所也。

德行。顏淵。閔子騫。冉伯牛。仲弓。言語。宰我。子貢。政事。冉

有。季路。文學。子游。子夏。**音義**行。下孟反。鄭云。以合前章。皇別為一章。**疏**正義

曰。此章因前章言弟子失所。不及仕進。遂舉弟子之中。才德尤高。可仕進之人。鄭氏以合前章。皇氏別為一章。

言若任用德行。則有顏淵。閔子騫。冉伯牛。仲弓四人。若用其言語辯說。以為行人使適四方。則有宰我。子貢二

人。若治理政事。決斷不疑。則有冉有。季路二人。若文章博學。則有子游。子夏二人也。然夫子門徒三千。達者七

十有二。而此四科唯舉十人者。但言其翹楚者耳。或時在陳言之。唯舉從者。其不從者。雖有才德。亦言不及也。

子曰。回也非助我者也。於吾言無所不說。**疏**孔曰。助。益

也。言回聞言即解。無發起增益於己。**音義**說。音悅。解。音蟹。**疏**正義

曰。此章稱顏回之賢也。助。益也。說。解也。凡解資問答以相發起。若與子夏論詩。子曰。起予者商也。如此是有益

乾隆四年校刊
論語注疏卷十一
二

於己也。今回也。非增益於己者也。以其於吾之所言。皆然而識之。無所不解。言回聞言即解。無所發起。增益於己也。

子曰。孝哉閔子騫。人不問於其父母昆弟之言。**四**陳曰。

言子騫上事父母。下順兄弟。動靜盡善。故人不得有非

間之言。**四**問。問。廁之。**疏**正義曰。此章歎美閔子騫之

廁。言子騫上事父母。下順兄弟。動靜盡善。故人不得有非間之言。

南容三復白圭。**四**孔曰。詩云。白圭之玷。尚可磨也。斯言

之玷。不可為也。南容讀詩至此。三反覆之。是其心慎言

也。孔子以其兄之子妻之。**四**三。息暫反。又如字。玷。丁

妻。七。反。**疏**正義曰。此章美南容慎言也。復。覆也。詩云。白圭之玷。尚可磨也。斯言之玷。不可為也。南容讀詩

至此三反覆之。是其心慎言也。孔子知其賢。故以其兄之女子妻之。此即那有道不廢。那無道免於刑戮者也。弟子各記所聞。故又載之。**詩**云。白圭之玷。尚可磨也。斯言之玷。不可為也。○正義曰。此大雅抑篇。刺厲王之詩也。毛傳云。玷。缺也。箋云。斯。此也。玉之缺。尚可磨。鑢而平。人君政教一失。誰能反覆之。意言教令尤須謹慎。白圭為圭。圭有損缺。猶尚可更磨鑢而平。若此政教言語之有缺失。則遂往而不可改。為王者安危在於出令。故特宜慎之。是詩人戒其慎言。南容之心。亦欲慎言。故三覆讀此也。

季康子問弟子孰為好學。孔子對曰。有顏回者好學。不

幸短命死矣。今也則亡。

音義

好。呼報反。

疏

正義曰。此章稱顏回之好學也。季康

子。魯執政大夫。故言氏稱對。此與哀公問同。而答異者。以哀公遷怒貳過。故因答以諫之。康子無之。故不云也。

顏淵死。顏路請子之車以為之椁。

注

孔曰。路。淵父也。家

貧。欲請孔子之車。賣以作椁。子曰。才不才。亦各言其子

也。鯉也死。有棺而無槨。吾不徒行以爲之槨。以吾從大

夫之後。不可徒行也。**四**孔曰。鯉。孔子之子伯魚也。孔子

時爲大夫。言從大夫之後。不可以徒行。謙辭也。**四**路。顏

回父也。名由。字季路。**疏**正義曰。此并下三章。記顏淵死。車。音居。槨。古廓反。**疏**時孔子之語也。顏淵死。顏路請

子之車以爲之槨者。路。顏淵父也。家貧。欲請孔子之車。賣以作槨也。子曰。才不才。亦各言其子也。鯉也死。有棺

而無槨。吾不徒行以爲之槨者。此舉親喻疏也。言淵才。鯉不才。雖異。亦各言其子則同。我子鯉也死。時但有棺

以家貧而無槨。吾不賣車以作槨。今女子死。安得賣氏。車以作槨乎。以吾從大夫之後。不可徒行也者。此言不

可賣車作槨之由。徒行。步行也。以吾爲大夫。不可步行。故也。孔子時爲大夫。言從大夫之後者。謙辭也。**四**孔曰

至辭也。正義曰。云鯉。孔子之子伯魚也者。世家文也。云孔子時爲大夫。言從大夫之後。不可以徒行。謙辭也。

者。案孔子世家。定公十四年。孔子年五十六。由大司寇攝行相事。魯受齊女樂。不聽政三日。孔子遂適衛。歷至

宋鄭陳蔡晉楚去魯凡十四歲而反乎魯。然魯終不能用孔子亦不求仕。以哀公十六年卒。年七十三。今案顏回少孔子三十歲。二十二而卒。則顏回卒時孔子年六十一。方在陳蔡矣。伯魚年五十。先孔子死。則鯉也死時孔子蓋年七十左右。皆非在大夫位時。而此注云時為大夫。未知有何所據也。杜預曰。嘗為大夫而去。故言後也。據其年。則顏回先伯魚卒。而此云顏回死。顏路請子之車。以為之椁。子曰。鯉也死。有棺而無椁。又似伯魚先死者。王肅家語注云。此書久遠。年數錯誤。未可詳也。或以為假設之辭也。徒猶空也。謂無車空行也。是步行謂之徒行。故左傳襄元年敗鄭徒兵於洧上。杜注云。徒兵。步兵也。

顏淵死。子曰噫。**注**包曰。噫。痛傷之聲。天喪子。天喪子。**注**

天喪子者。若喪己也。再言之者。痛惜之甚。**音義**噫。於其

之聲。喪。如字。亡也。舊**疏**正義曰。噫。痛傷之聲。天喪子者。息浪反。下及注同。孔子痛惜顏淵死。言若天喪己

也。再言之者。痛惜之甚。

乾隆四年校刊

顏淵死。子哭之慟。**注**馬曰。慟。哀過也。從者曰。子慟矣。曰。

有慟乎。**注**孔曰。不自知己之悲哀過。非夫人之為慟而

誰為。**音義**才用反。夫。音符。下章夫人同。為。于偽反。**疏**正

曰。子哭之慟者。慟。過哀也。言夫子哭顏淵。其悲哀過甚。

從者曰。子慟矣者。從者。眾弟子。見夫子哀過。故告曰。子

慟矣。曰。有慟乎者。時夫子不自知己之悲哀過。故答曰。有

慟乎。邪。非夫人之為慟而誰為者。因弟子言己悲哀

過甚。遂說己之過哀。亦當於理。非失也。夫人。謂顏

淵。言不於顏淵哭之為慟。而更於誰人為慟乎。

顏淵死。門人欲厚葬之。子曰。不可。**注**禮。貧富有宜。顏淵

貧而門人欲厚葬之。故不聽。門人厚葬之。子曰。回也視

子猶父也。子不得視猶子也。非我也。夫二三子也。**注**馬

曰。言回自有父。父意欲聽門人厚葬。我不得割止。非其

厚葬。故云耳。

疏

正義曰。顏淵死。門人欲厚葬之者。門人

其禮以葬之也。子曰不可者。禮貧富。有賢行。故欲豐厚。

人欲厚葬。故不聽之。曰不可也。門人厚葬之者。初。各孔

子。孔子不聽。門人故違孔子而卒厚葬之也。子曰回也。

視子猶父也者。此下孔子非其厚葬之語也。言回也。師

事於己。視己猶如其父也。予不得視猶子也者。言回自

有父存。父意欲聽。門人厚葬。我不得割止之。故曰予不

得視猶子也。非我也。夫二三子為之也。非其厚葬之事。非

我所為。夫門人二三子為之也。非其厚葬。故云耳。

季路問事鬼神。子曰。未能事人。焉能事鬼。曰。敢問死。曰。

未知生。焉知死。

注

凍曰。鬼神及死事難明。語之無益。故

不答。

疏

焉。於虔云。語。魚據反。

疏

正義曰。此章明孔子不道無益。

天曰神。人曰鬼。散則雖人亦曰神。故下文獨以鬼答之。

子路問承事神。其理何如。子曰。未能事人。焉能事鬼者。

言生人尚未能事之。況死者之鬼神。安能事之乎。曰。敢

問死者。子路又曰。敢問人之若死。其事何如。曰。未知生。

焉知死者。孔子言女尚未知生時之事。則安知死後乎。皆所以抑止子路也。以鬼神及死事難明。又語之無益。故不答也。

閔子侍側。閭閻如也。子路行行如也。冉有子貢侃侃如

也。子樂。**注**鄭曰。樂各盡其性。行行剛強之貌。若由也不

得其死然。**注**孔曰。不得以壽終。**正義**反。閭。魚中反。行。胡浪

侃。苦旦反。樂。音洛。**注**同。壽。音授。**疏**正義曰。此章孔子喜四弟子任其直

側曰侍。閭閻。中正之貌。如也者。言其貌如此也。子路行

行如也者。行行。剛強之貌。冉有子貢侃侃如此也者。侃侃

和樂之貌。子樂者。以四子各盡其自然之性。故喜樂也。若由也不得其死然者。然猶焉也。言子路以剛必不得

其以壽終焉。**注**魯人爲長府。閔子騫曰。仍舊貫。如之何。何必改作。**注**鄭

曰。長府。藏名也。藏財貨曰府。仍因也。貫事也。因舊事則

可也。何乃復更改作。子曰。夫人不言。言必有中。**田**王曰。

言必有中者。善其不欲勞民改作。**貫義**。仍。魯讀仍為仁。今從古。貫。古亂

反。事也。藏名之藏。才。**田**正義曰。此章重於勞民也。魯人浪反。中。丁仲反。注同。**田**為長府者。藏財貨曰府。長其藏

名也。為。作也。言魯人新改作之也。閔子騫曰。仍舊貫。如之何。何必改作者。子騫見魯人勞民改作長府。而為此

辭。仍。因也。貫。事也。言因舊事則亦可矣。何必乃復更改作也。子曰。夫人不言。言必有中者。孔子聞子騫之言。而

善之也。夫人。謂子騫。言夫此人其唯不言則已。若其發言。必有中於理。此言何必改作。是中理之言也。善其不

欲勞民。故以為中。**田**鄭曰。至事也。正義曰。云長府藏名者。言魯藏財貨之府。名長府也。云藏財貨曰府者。布

帛曰財。金玉曰貨。周禮天官有大府。為王治藏之長。王府掌王之金玉玩好。內府主良貨賄。藏在內者。外府主

泉。藏在外面者。是藏財貨曰府。府猶聚也。言財貨之所聚也。仍因。貫事。皆釋詁文。

子曰由之瑟奚為於丘之門。**注**馬曰子路鼓瑟不合雅

頌門人不敬子路子曰由也升堂矣未入於室也。**注**馬

曰升我堂矣未入於室耳門人不解謂孔子言為賤子

路故復解之。**章義****解**音蟹復**才**正義曰此章言子路之

瑟奚為於丘之門者由子路名奚何也子路性剛鼓瑟

不合雅頌故孔子非之云由之鼓瑟何為於丘之門乎

所以抑其剛也門人不敬子路者門人不解孔子之意

謂孔子言為賤子路故不敬之也子曰由也升堂矣未

入於室也者以門人不解故孔子復解之言子路之學

識深淺譬如自外入內得其門者入室為深顏淵是也

升堂次之子路是也今子路既升我

堂矣但未入於室耳豈可不敬也

子貢問師與商也孰賢子曰師也過商也不及**注**孔曰

言俱不得中曰然則師愈與子曰過猶不及**注**愈猶勝

也。

正義

中。丁仲反。愈。以主反。愈與之與音餘。

疏

正義曰。此章明子張子夏才性優劣。子貢問師與商

也孰賢者。師。子張名。商。子夏名。孰。誰也。子貢問孔子曰。子張與子夏二人誰為賢才。子曰。師也。過商也。不及者。孔子答言。子張所為過當而不已。子夏則不及而止。言俱不得中也。曰。然則師愈與者。愈猶勝也。十貢未明夫子之旨。以為師也過。則是賢才過於子夏。故復問曰。然則子張勝於子夏與。與為疑辭。子曰。過猶不及者。子貢不解。故復解之曰。過常猶如不及。俱不中理也。

季氏富於周公。

注

孔曰。周公天子之宰卿上。而求也為

之聚斂而附益之。

注

孔曰。冉求為季氏宰。為之急賦稅。

子曰。非吾徒也。小子鳴鼓而攻之。可也。

注

鄭曰。小子。門

人也。鳴鼓。聲其罪以責之。

正義

為之之為。子偽反。又。如字。注同。稅。如銳反。

正義曰。此章夫子責冉求重賦稅也。季氏富於周公者。季氏魯臣。諸侯之卿也。周公天子之宰卿士。魯其後也。

孔子之時。季氏專執魯政。盡征其民。其君蠶食深宮。賦稅皆非己有。故季氏富於周公也。而求也為之聚斂而附益之者。時冉求為季氏家宰。又為之急賦稅。聚斂財物。而陪附助益季氏也。子曰非吾徒也。小子鳴鼓而攻之可也者。小子門人也。冉求亦夫子門徒。當尚仁義。今為季氏聚斂。害於仁義。故夫子責之曰非我門徒也。使其門人鳴鼓以聲其罪而攻責之可也。孔曰周公天子之宰卿士。正義曰。何休云宰猶治也。三公之職號尊名也。杜預注左傳曰。卿士王之執政者也。

柴也愚

四

弟子高柴。字子羔。愚。愚直之愚。參也魯。

四

孔

曰。魯鈍也。曾子性遲鈍。師也辟。

四

馬曰。子張才過人。失

在邪辟文過。由也嘖。

四

鄭曰。子路之行。失於畔嘖。子曰。

回也其庶乎。屢空。賜不受命。而貨殖焉。億則屢中。

四

言

回庶幾聖道。雖數空賈而樂在其中。賜不受教命。唯財

貨是殖億度是非。蓋美回所以勵賜也。一曰屢猶每也。空猶虛中也。以聖人之善道教數子之庶幾。猶不至於知道者。各內有此害。其於庶幾每能虛中者。唯回懷道深遠。不虛心不能知道。子貢雖無數子之病。然亦不知道者。雖不窮理而幸中。雖非天命而偶富。亦所以不虛

心也。



柴仕佳巢諧二反。羔音高。左傳作子羔。家語作子高。禮記作子臯。三字不同。鈍徒頓反。辟

匹亦反。邪似嗟反。嘒五旦反。行下孟反。子曰回也其庶乎。或分爲別章。今所不取。空力從反。殖市力反。億於力

反。度也。中丁仲反。數音朔。匱其位反。樂音洛。度待洛反。又徒洛反。數子之數。色主反。下同。



正義曰。此章孔

子歷評六弟子之德行中失也。柴也愚者。高柴性愚直也。參也魯者。曾參性遲鈍也。師也辟者。子張才過人。失在邪辟。文過也。回也嘒者。子路之行失於嘒嘒也。子曰回也其庶乎。屢空賜不受命而貨殖焉。億則屢中者。此